

Skatterådimit najoqutassiaq

**Pillugu: Akileraarutitut akiligassanut matussutissanik akissarsianit ilanngartuussinermi procentip killissarutitap allangortinneqarnera.**

Aningaasarsianit akileraarutit pillugit Inatsisartut inatsisaata allannguutissaatut Inatsisartut inatsisaanni nr 21, 30. oktober 1992-imeersumi § 1, nr.6-ikkut akissarsianit ilanngartuussinermi procenti allangortinneqarpoq aningaasarsianit akileraarutit pillugit inatsimmi § 81, imm. 6, oqaaseqatigiit aappaanni allassimasoq 15 %-imiit 30 %-imut, 1. januar 1993-imi atuutilersussamik.

Procentip akiligassallit ataasiakkaat akissarsiaannit ilanngartuussutigineqartussap angissussaa pineqartup piffissami tassanerpiaq aningaasaqarniarnerata ataatsimut naliliivigineqarneratigut pisassaaq, tamatumani ilaallutik allanut akiligassat annertussusaat.

Innuttaasoq, aningaasarsianit akileraarutit pillugit inatsit naapertorlugu akilersinniagassanik akileraarutaannarnut akiligassaqqarpat, akileraarutit peereerlugit akissarsiaasa 30 %-iinik naliginnaasumik ilanngartuisoqarsinnaavoq.

Akileraarutitut akiligassanut akiligassanullu allanut pinngitsaaliilluni akissarsianit ilanngartuussinerup, akileraarutit peereerlugit akissarsiat 33 1/3 %-ii sinnersinnaanngilai, takuuk eqqartuussisarnermi inatsimmi kap. 7, § 12, imm. 2-mi killiliussaq.

Nammineq piumassutsimik akilersuinissamut isumaqatigiissutit killiliussamut matumunnga qilersorsimasuunngillat.